



湖光山色樓

湖光山色



吳興趙奕仲光篆額

顧瑛春題

天連遠水三千頃 雲擁晴巒十二鬟

記

清河張天英

前十載秋八月余嘗登群玉之山遠見太湖西南下繞
陽山海虞流東匯為陽城湖湖之上有大林樞神秀
融結是為界溪隱君子顧仲瑛氏居之是時余一至焉
今八月又一至焉會稽外史出蕭客延客入坐小東山

未幾由西階過別墅上芝雲堂主人與客道故舊驛甚
坐定作而曰吾有湖光山色樓欲得子文章以記之
矣子今來母容謀於是外史進客樓上見所居三代漢
唐禮樂之器典墳經史諸子百氏之書有古人氣象至
若州堂書畫舫浣華之亭與夫山玄水蒼之石皆列之
左右前後其地宜植物異卉珍木樹之無或不良麋鹿
羽鱗之屬罔不畢致日與賢士夫人宴游其上憑高四
望清氣逼人三山十洲宛收在目余謂凡為天地間得
其氣之盛者莫山水若也水生於天天氣又與山接亦
未始不因人而得之者也宋蘇文忠公西湖詩作而湖
山之氣益清安知後五百載湖山之勝不在彼在此矣
客既醉屬余歌以為壽歌曰山蒼蒼兮水溶溶月皎皎
兮群玉之峰仙子不來兮吾將曷從仙子既見兮我心
則降叶歌既隱均請志之於石是年蒼龍集屠維赤奮
若外史為神仙中人姓于氏余則承華書客清河張天
英也

後記

匡廬于立

崑山濱海為邑地平夷曼衍無山水之勝民樂於田畝
無登覽之適州治西行三十里為馬鞍山又十五里為
界溪而顧仲瑛氏居焉仲瑛氏素為吳著姓居溪上蓋
累世矣溪南出真儀北流入陽城湖湖大且百里煙波

蒼莽天與水接其北則海虞之山虞仲之所居也於是
即湖端夾埜之地有園池之勝臺石為島激泉為瀑布
臺館榭曲盡其制合而名之曰玉山佳處其景之尤勝
者則有湖光山色之樓樓列古器物圖書及經史百氏
之言日與賓客游息其上幅巾杖履逍遙自適風日清
美憑高望遠惟見風檣往來漚波出沒而山色葱龍明
秀如在几格間其或水氣上行與山氣盤礴變而成龍
虎合而為煙霞千態萬狀不可盡述予謂天地清淑之
氣峙而為山流而為川得其勝絕以適吾生生者亦將
有待於人乎何凝蘊之資久而發輝之在斯也君曰予
陋世俗之隘每登斯樓慨思古人而不可得方將駕長

風凌煙波際湖之北登海虞之巔訪虞仲之遺跡望三
山銀闕於雲濤縹緲之中予將有所得也同我者誰哉
乃歌曰水浩蕩乎山龍葱幽幽而深乎鴻夷之宮激長
波乎駕風仙之人予吾從又歌曰日月皎皎乎波鄰鄰
山巉巖而嶙峋超凌厲乎無鄰我所思乎古人是為之
記至正九年九月一日匡廬子立書

詩

丹丘柯九思敬仲酒邊口占

紅顏欲醉倚高樓玉瑄聲中桂子秋湖山如此不歸去
冷雲風急臥扁舟

河南陸仁良貴

朝拂昆城漲暮曠海虞孤日照簾旌裡蕭條粉墨圖

匡廬子立彥成

虎頭本癡絕雅亦愛樓居霞月流青瑣湖山迥碧虛意
閑雲與泪心在物之初不似楊雄宅城南老著書

遂昌鄭元祐明德

晴峰抹出海虞山宛在空明野水間范蠡不騎丹鳳去
仲雍仍駕彩雲還浪花閃閃三秀霧雨寒增豹一斑
試問風飄去何許想聞環珮玉珊珊

吳龍門山釋良琦元璞

親樓一登眺不爾見湖山興落滄洲遠心起雲物間漁
歌方互起鳥倦忽飛還牽舟成獨去清月滿虛灣

延陵吳克恭寅夫

智仁予所樂平湖仍對山神交魚鳥外興移蒲柳間閑
雲捲幔入落日權歌還望海躡星影秋槎來碧灣

豫章熊夢祥

移舟界溪上忽見海虞山山接空青外湖當慘淡間松
聲聽欲近飄影坐看還何處西風起漁歌下別灣

茗溪鄭韶九成

茲樓俯吳甸百里見虞山雲歸飛鳥外飄落大江間河
源或可到星使幾時還因尋種桃者繫船清溪灣

汝陽袁莘子英

嵐起天邊雨帆飛樹杪風湖光與山色倒影畫樓中

臨海陳基敬初

樓居仙子亦多情收拾湖山作畫屏澤國雨添千頃綠
海虞晴送四時青亭亭暮靄凝眉黛灩灩春波漲醖醖
長笛一聲賓客醉餘音猶自繞清冥

西夏昂吉起文

危樓倚天何壯哉軒窗八面玲瓏開水搖萬丈白虹氣
山橫十二青瑤臺林光朝開宿鳥散帆影暮接歸雲回
坐久身如在泉石神清骨爽無纖埃

會稽楊維禎廉夫

仙家十二樓俯瞰芙蓉渚象田耕玉煙龍氣生珠雨鳳
麟遠水接空濛小瀛夜折蓬萊股蘭臺美人能楚語十

三鴈急孤鸞舞仙人醉騎黃鶴來酣揮落日使倒迴剪
取瑤田一稜歸滿天鐵笛走春雷

淮海秦約文仲

快閣初延望流雲乍度檐沙明蕩瑤席山色上牙籤苻
葉浮波 桃花隔岸添隱囊西景暮坐見月纖纖

莘亭呂恂德厚

水光山色樓千尺老子於中興最多手板時看雲氣好
吹簫無奈月明何鳳池上客陽春曲鐵笛仙人小海歌
二月玉山花正好夢隨春水白鷗波

莘亭馮濬淵如

仙人樓閣禁城東近水馮屋對雪峰香篆寶爐金鶴尾

酒行仙掌玉芙蓉湖波西下寒仍綠山色春來晚更濃
媿似登高能賦客懸知百尺臥元龍

四明黃玠伯成

山色湖光樓上頭闌干十二古今秋一川碧浪與天遠
滿地白雲如水流往事只聞吳苑在幽人多愛習池遊
常年風景尋常好日日芳筵爛不收

義興岳榆李堅

複道逶迤接井幹綺疏面面瞰湖山涵光直上虛無底
爽氣遙生縹緲間鷗鷺忘機閑可狎牛羊及暮自知還
欲從范蠡凌風去臥看煙鬢十二彎

口占詩序

樓之主人顧瑛仲瑛

至正十年五月十八日余與延陵吳水西龍門
僧元璞匡山于外史避暑于樓中時輕雲過雨
霽光如秋各占四絕句云

顧瑛

天風吹雨過湖去溪水流雲出樹間樓上幽人不知暑
釣簾把酒看虞山

晴山遠樹青如蘇野水新秧綠似苔落日湖光三萬頃
盡隨飛鳥帶將迴

雨隨牛跡坡坡綠雲轉山腰樹樹齊江閣晚添涼似洗

隔林時有野鶯啼
紫茸香浮薜蘿樹金莖露滴芭蕉花幽人倚樓看過雨
山童隔竹煮新茶

于立

長煙落日孤鳥沒野岸平疇新水多有客倚欄成獨嘯
白蘋洲上起漁歌
團團綠樹野人家一道官河紫楝花柳外時時啼布谷
林間軋軋響縑車
秧田已是三時雨草閣風生五月涼薜蘿開花渾似雪
枇杷著子已全黃
晚煙晴樹繞樓臺別浦荷花遠近聞芳草茫茫隨地遠

野帆片片向人來

釋良琦

斷雲將雨過瑤山極浦煙開白鳥還隔水漁郎驚客意
笛聲嗚咽起空灣

迴溪斷岸柳陰疎酒舍漁家竹逕迂一片湖光暮雲隔
荷花荷葉帶平蕪

仙人自是好居樓江氣生寒雨作秋赤日長安塵沒馬
幾人回首憶滄洲

重重樓戶燕穿風曲曲紅橋綠水通薄暮釣簾對涼雨
一時秋思在梧桐

吳世顯

一溪新水護平田高柳清風起暮蟬人在樓頭揮汗而
行人更在夕陽邊
樓居竹樹抱溪長落日虞山煙翠涼遙想白雲松隱處
長鏡鋤雨茯苓香
而來江閣清風滿山入共雲紫翠分黃犢草深人窅窅
白鷗波亂雪紛紛
水風楊柳踈疎綠山雨芙蓉朵朵秋樓上捲簾涼意足
玉笙時度竹西頭

分題詩引

樓之主人顧瑛

七月初五日余會于匡山琦龍門於樓上輕風

吹衣爽氣浮動纖月既出迺移樽樓外閣橋圍
飲時瑤笙與琴聲歌聲齊發泠泠天表如霓裳
羽衣落我清夢遂各賦詩以紀樓之主人顧瑛
題

是日以危樓高百尺分韻賦詩詩成者三人

顧瑛得危字

樓上笙歌合奏時湖山當席最相宜風吹輕袂身疑舉
人立飛橋意不危屢氣欲浮河漢動秋光已近女牛期
潘郎容易頭如雪且醉花前雙玉危

于立得樓字

又見梧桐一葉秋酒豪詩客滿西樓迤迤飛閣連雲度

隱約仙槎入漢流，忽聽鈞天雙奏樂。炯如秋水共素舟，
竹風荷氣涼無限。清夜厭厭醉未休。

釋良琦得高字

何處最堪聽鳳簫，夜涼閣道隔金鰲。風生高士飛霞佩，
月照謫仙宮錦袍。豈畏秋聲催鬢改，且憑春酒助詩豪。
清酣欲散涼如水，河漢西流北斗高。

七月十五元璞泛舟下婁江，余與高起文先生、王
山隱君坐湖山樓上，悵然有懷，即所見聯句成律。

于立書

樓倚清秋爽氣高，眼明百里見纖毫。風行綠野翻清
浪，雨到青林起暮濤。幾樹好花開別岸，願一雙飛鳥

趣輕舸龍門，今日婁江去。高會有新詩寄我曹。于

序

匡山于立

至正十年冬，温如春，民為來歲癘疹憂。嘉平之
望凝雲晝，合風格格作老泉聲。雨霰交下頃刻，
積雪徧林野。適邨雲臺自吳門張雲槎自茂苑
吳國良自義興不期而集，相與痛飲湖光山色，
樓上以凍合玉樓寒起粟，分韻賦詩。國良以吹
簫陳惟允以彈琴，趙善長以畫序首各免詩。張
雲槎興盡而返，時詩不成者命佐酒。女奴小瑤
池小婦桃金縷，衣各罰酒二觥。于適于立得樓

字賦詩于後

是日以凍合玉樓寒起粟分韻賦詩詩成者四人

顧瑛得凍字

積雪未消春意動千里登臨游目縱月明初度影城池
曙色稍侵鳴玉洞佳人象管怯初寒銀瓶梅萼猶含凍
白髮休嫌舞袖長張燈夜促飛觴送

于立得樓字

凝雲變晴景積雪滿山丘公子延綺席美人迴綵舟
遙度飛閣窈窕接層樓微颺散輕靄寒光抱空浮勿云
歌鐘樂道為宴者憂願言均此施榮名及千秋

郊韶得寒字

玉山臘月春意動獨樹花發照江干高閣此時宜望遠
開樽與子一憑欄雪消野渚鳧鷖亂水落漁舟網罟寒
明日風帆又城市且須泥飲罄清歡

顧衡得起字

客從吳門來張宴玉山裡逶迤朱閣連散漫瓊芳委雲
迷曙光合風迴水華起杯深煖入懷弦溢寒生指飛光
不我留幽興那能已

詩不成者三人各罰酒二兒餽

引

界溼顧君仲瑛有樓曰湖光山色蕭爽美曠珠快

人意憑高一覽吳東山水盡在几席下子與諸文
彦因得以適洞心駭目之觀遂即席用山水命題
各賦詩以紀其事時五月端陽前一日也

是日以吳東山水分題賦詩詩成者五人

三江廬昭賦虞山

海虞之山何哉我連岡百里青巉嵯巫咸却立在其左
芙蓉倒蘸昆城波云有仲雍之古冢白虹夜燭山之阿
猗歟讓德豈不派上與日月光相磨我昔褰裳來下拜
精英颯爽志匪頗飢飽跳梁竄叢栗驚猿趨捷攀垂蘿
原田碁布迤衍沃穰据亘立緣坡陀水溢靈湫訪龍母
華雨文室尋維摩冥搜遺跡慨徃古我僕既痛我力罷

只今陵谷與時變赤幟森衛曳落河練以周垣百餘雉
夙昔嚴邇煩檇訶山靈請迴俗士駕舊游轉瞬成蹉跎
玉山高樓隔花起邀我登覽供長哦虞山北向列几格
群峰下侍同么膺相看即有故人意空翠飛滿栖雲窩
憑高問山山不語大笑酌以金叵羅我酌玉山酒我歌
玉山歌歌長壺缺朱顏酡人生百年貴清賞嗤彼豪飲
如飛蛾英雄蓋世竟安在蔽野荆棘生銅駝興闌下樓
日復暝虞山虞山奈爾何

秦約賦傀儡湖

晨興東湖陰放浪隨所之日光出林散靈翳晃朗澄碧
堆玻璃天風忽來權誣發岸岸灣碇浴鷓鴣中峰壺嶽

與雲連西墩佳樹如城匝主人湖上席更移醉歌小海
和竹枝文魚跳波翠蛟舞疑是馮夷張水嬉微生百年
何草草傀儡相頭幾絕倒近川一去無還期長嘯不知
天地老酒闌橫被復揚舫蕙蒲洲渚花冥冥鷄皮鶴髮
漫從汝且讀楚騷招獨醒

顧瑛賦陽山

別起高樓臨碧溪遠樓青山雲約齊陽山獨出衆山上
却立陽湖西復西天風吹山岫不起倒落芙蓉明鏡裡
影娥池上曲闌干徧倚秋光三百里白雲不化五彩虹
化為天矯之白龍一朝挾子上天去需澤下土昭神功
土人結祠倚靈洞雨氣腥翻海波動紙錢窸窣蜺場飛

女巫擊鼓歌迎送茲山本是秦餘杭越兵晝獲夫差王
不知誰是公孫聖空谷答聲吳乃止只今此地愁雲黑
鐵馬將軍今作勒漢蛇曷識劍雌雄秦鹿應迷路南北
山下花開一色紅花下千頭鹿養茸樹花日獻黃面老
挾群時入青蓮宮聞道霜青落林谷斤斧丁丁驚鳥宿
千年白鶴忽飛歸失却長松舊時綠君今坐看樓上頭
折韻賦詩浮玉舟憑高一覽青未了底事仲宣生遠愁
明朝更踏東山路傀儡湖中觀競渡酒花漑漑泛昌陽
醉歸扶上樓頭去

釋自恢賦崑山

馬鞍山在勾吳東山中佳氣常鬱葱層巒起伏積空翠

芙蓉削出青天中六丁夜半石壘壁殿開煌煌絢金碧
響師燕坐講大乘虎來問法作人立天華散雨娑羅樹
一聲共命雲淡處我時細讀五郊詩興來更上龍洲墓
憶昔曾同信信友七尺枯藤長在手數年音問隔茫然
頓覺羈懷醉如酒嗟彼習俗耽歡娛錦鞵細馬紅氍毹
畫船吹笛過大鼓吳兒棹歌越女飲只今歌樂難再得
面顏已帶風塵色何如張宴溪上樓山光倒浸湖光白
我愛虎頭金粟子十載論交淡如水每懷故舊參與商
二老到門驚復喜我留玉山君即歸天風冷冷吹客衣
人生會合如夢寐焉能對酒如吁噦我歌長歌君起舞
山川洵美非吾土褰裳涉澗采昌陽且向山中作重午

袁華賦陽城湖

海虞之南姑胥東陽城湖水青浮空潏漫巨浸二百里
勢與江漢同朝宗波濤掀簸日慘淡魚龍起伏天晦蒙
雨昏陰淵火夜燭下有物怪潛幽踪下雉巴城水相接
以城名湖胡不同想當黃池會盟後夫差虎眇中原雄
東征諸夷耀威武湖陰閱戰觀功成陵遷谷變天地老
按圖何地追遺踪我來弔古重太息空亭落日多悲風
虎頭結屋傍樓駐窗開几席羅諸峰鳴鷄吠犬境幽閒
嘉木良田青鬱葱漁郎莫是問津者仙源或與人間通
時當端午天氣好故人久別欣相逢玻瓈萬頃泛舟入
俯覽一碧磨青銅尊罍鱸膾雪縷碎菱葉荷花雲錦重

思賜終慚鑑曲客水嬉不數共川翁酒酣狂吟逸興發
白鷗驚起菰蒲中相國并湮烽火閣郎官水澗旌旗紅
此中樂土可避世一舸便逐陶朱公更呼列缺鞭青龍
前驛飛廉後豐隆盡將湖水化霖雨淨洗甲兵歌歲豐

浣花館

浣花館

吳興趙雍仲穆篆顏

顧瑛春題

波暖花明狀元浦 竹寒沙碧拾遺詩

記

館之主人顧瑛

予別墅號小桃源達秘書為余篆扁諸名公賦詠疊筆
至正戊子春故人張楠渠詩來迺知其隱居之所亦號
小桃源嗟夫天台武陵不固暇論今之託是名者又何
多也王謝爭墩於千載之下識者哂之遂以桃源之號

歸之楠渠易其顏為浣花又恐杜陵翁笑余久假也可
呵館之主人顧瑛識

詩

丹丘柯九思敬仲

谿行何處是仙家谷口尋君日未斜隔岸雲深相借問
青林極望有桃花

四明黃玠伯成

錦官城外浣花溪萬里東流無盡時出郭水清魚可數
綠谿路由馬難騎春星一夕草堂飲夜雨幾年茆屋詩
阿前扶阿稽後少陵野老髻如絲

句吳張遜

種桃如種柳容易得成花千樹恐無地平原堪子家晚
風迎窈窕春水遠汙邪久不通人間循溪步曲斜

天台陳聚敬德

愛爾桃溪好幽期不可分山光暗挹翠玉氣煖為雲漁
艇花間泊樵歌竹外聞思君賦招隱慚愧北山文

河東李元珪廷璧

浣花溪在界溪頭愛汝新成小隱幽日日花間頻洗觥
時時柳外更維舟春風繡幙圍歌扇夜月珠簾控玉鉤
倚仗看雲雙眼豁功名富貴等浮漚

吳郡顧達

密葉晝沉影落英春洗香白雪紛渚亂錦雲綠岸長尋

津迷去路懷人贈遺芳玄洲諒匪遠樓臺煙霧藏

聯句詩序

會稽楊維禎

至正戊子六月廿四日維禎與衛輝高智臣廬于立清河張師賢汝南袁華河南陸仁讌集於浣花館酒闌主客聯句凡廿四韻主為玉山顧瑛客與聯者維禎立師賢華仁也會稽楊維禎

引其首

大屢千萬餘小第亦云甲馬山分玉崑維禎鯢津類清
雪湖吞傀儡淡立江瀉吳淞狹地形九曲轉師賢峰影
千丈挿斜川萬桃蒸華小徑五柳夾仙仗撞石檢仁靈

洞開玉匣雲停清蔭初瑛涼過小雨雲鶴舞竹禰維
頰魚亂萍喋唳風顛帽屢歌立暑薄衣猶袷花憑羸女
獻師賢酒債吳姬壓簾捲蒼龍鬚華盤薦紫駝胛戎葵
粲巧笑仁文瓜印微掐白戰魚乍割瑛紅蓮米新番急
觴行葡萄維清厨扇蒲篋火珠梅燔熿立水絲蕪决
滌雲靄摩乳彘師賢琤琤玩腰理伶班鼓解穢華軍令
酒行法弓彎舞百盤仁鯨量杯干呷腔悲牙板擊瑛調
促水絃摩客歡語噶維童酣莫鈞軋觴徹給弘穎
立詩成繕書劄嘔句投錦囊師賢披圖出相篋驪駒歌
已終華青城情尚狎永矢交友盟仁銅盤不須秋瑛

柳塘春

柳塘春

馬九霄篆顏

顧瑛春題

金縷和煙春漠漠

赤欄倚月水溶溶

詩

崑山郭翼義仲

陰陰覆地十餘畝
娟娟迴塘二月風
雨過鷗眠沙色裡

花飛鷺亂水聲中

河南陸仁良貴

晴雪散河堤
春雲晚復迷
鯉魚跳藻葉
燕子拂蘭莢

汝南袁華子英

鳴綠波搖檻，馘黃柳覆堤。飛花如白雪，流出武陵溪。

臨海陳基敬初

扁舟二月傍溪行，愛此林塘照眼明。芳艸日長飛燕燕，
綠陰人靜語鶯鶯。臨風忽聽歌金縷，隔水時聞度玉笙。
更待清明寒食後，買魚沽酒答春晴。

西夏昂吉起文

春塘水生搖綠漪，塘上垂楊長短絲。美人蕩漿唱流水，
飛花如雪啼黃鸝。

玉山盧昭伯庸

黃柳花香水，上衣褰簾亭上挹。春暉蘭橈一道微風入，

却逐金塘燕燕歸。

吳興鄭韶九成

春塘二月春波深，楊柳濯濯弄輕陰。微風裊裊金虫落，
隔屋兩兩黃鸝吟。飛花莫遣度流水，化作浮萍無定止。
折時須折最長條，堤邊繫取木蘭橈。

淮海秦約文仲

弱柳金塘上，春潮岸岸連。樹深停野騎，花送渡江船。燕
蹴初晴雨，鳥栖欲暝煙。沿濱延佇久，落日棹歌還。

四明黃玠伯成

江南二月柳條青，柳下陂塘取次行。蘭杜吹香魚隊樂，
草莎成屨馬蹄輕。小蠻多恨身今老，張緒少年春有情。

得似東吳顧文學風前而後聽鶯聲

義興岳榆李堅

三月風柔雨霽初芳塘流水碧珊瑚欲維畫舫絲猶弱
稍撲湘簾絮已無微影揚波驚鯉隊新陰分色暎鶯雛
調箏莫按陽關曲時到藏鴉興未孤

吳郡顧達

垂絲拂波迴沉影帶雲流鶯啼渚煙淨燕飛簾雨收萍
閒雙槳蕩花浮群鯉游東風約朝暖晞髮面輕鷗

范陽盧熊公武

千步垂楊柳陰連喜水生花淡吹落絮葉窠坐流鶯

口占詩序

于立彥成

至正十二年正月下泮春雪方霽飲酒柳塘上
水光與春色相動盪因詠王臨川鴨綠鶯黃之
句各口占四絕以紀時序嗟乎世故之艱難人
事之不齊得一適之樂如此者可不載諸翰墨
以識當時之所寓況南北東西理無定止焉知
後之會者誰歟席上賦詩者三人主則玉山顧
君客于英袁君子匡廬于立彥成也

于立

江浦雪消楊柳春檻下新水碧鄰鄰嫁得東風最輕薄
吹蕩柔條拂著人

正月已盡寒未收柳塘曲曲帶平流青絲銀瓶送美酒
赤欄畫橋橫釣舟
日落大堤楊柳明棲鳥也後可憐生若待清明花似雪
風光多屬上林鶯
嫩綠新生楊柳枝輕風故故向人吹春波不盡東流意
折得柔條欲遺誰

顧瑛

二月看看已過半春雨尚爾不放晴楊柳長堤飛鳥過
鷓鴣新水沒灘平
溪上草亭絕似小春來有客日相過便須對柳開春酒
坐看暗色上新鵝

鳥啼殘雨適平臯魚逐輕波趁小舸獨愛大堤楊柳樹
又牽春意上柔條
小亭結在滾西頭况復春半雨初收柳垂新綠枝枝弱
水轉迴塘漫漫流

袁華

橫雨狂風二月餘柳塘猶未動春鉏花明蘭渚宜垂釣
月暗芸牕好讀書
細雨初晴暖尚微小亭簾幙護春暉趁塵波動魚初上
金縷條長燕未歸
漠漠輕風雨乍收方塘水生不膠舟慈鴉將子避人去
返照正在柳梢頭

春塘楊柳未飛綿已有清陰覆畫船好倩吳姬歌水調
不辭百罰酒杯傳

後序

崑山袁華

柳塘春者顧君仲瑛玉山佳處之一館也仲瑛為中吳
世家讀書績文日從四方賢士大夫遊凡一亭一館必
觴詠以紀日累月增共若干卷丙申春正月兵入草堂
俱發篋取去後全歸于通守馮君秉中詩內此卷不存
仲瑛命妻江朱珪臨九霄篆扁予錄前詩復裱為卷以
補其失於以見玉山好事之專秉中尚義之篤微玉山
之好事豈能動秉中之心微秉中之尚義豈能以歸玉

山之舊物二君可謂豪傑之士矣復讀于匡廬序口占
詩中語所謂南北東西理無定止後之會者誰歟今于
君棲於會稽煙塵夙隔卷中諸君子雖近在百里皆星
流雲散舊客則予一人而已慨時世之變遷嗟友朋之
睽離予於于君之言重有感焉遂書以識是歲十月既
望崑山袁華書於可詩齋

小集分韻詩序

河南陸仁良貴

丁酉歲二月廿有二日龍門琦開士自吳江泛
舟訪金粟道人顧君仲瑛於界溪之上龍門復
貽書石川招予過此適葛君天民亦自雲霄來

各以道路無梗睽離隔歲慰藉問勞握手叙契
闊語刺刺不能休其於故人之情為何如哉留
數日日以詩酒相娛樂繼而龍門復欲還吳江
之無礙寺道人止其行且張席柳塘春之小軒
時春雨初霽春水初生綠波淡蕩柳色如濡舉
酒相屬談語甚歡酒既半道人作而言曰適斯
時也當戎馬交馳之際凡我友朋一別如兩若
匪山于君番陽蕭君皆予之至厚者也今日之
在會稽猶風馬牛之不相及也予之思之未常
一日忘之今日得與諸君合併不知良晤又幾
何時因思古人折柳贈別之意不能不戚然於
懷也諸君得無言乎袁君子英遂舉柳塘春水
漫之句分為韻各賦詩以寫其情云是月二十
又八日也河南陸仁分得水字且為之序
是日以柳塘春水漫之句分韻賦詩詩成者四
人

顧瑛得柳字并引

予去春避地於吳興之商溪如識天民於溪上
之大慈隱寺天民讀書尚節義落落有古人風
故與予甚浹洽及予之歸遠餞于洪城溪亭臨
溪泣別則其交情可見矣今又能駕輕舟歷數
百里之險途來問訊予之祝髮其義之篤情之

深非尋常汎交結面者之比予欲借此詩美之
且以餞其歸并以簡無隱老禪求一轉語也

剝啄誰扣門乃是忘年友遠從商溪來過我繩樞牖入
門無一言但覺驚我醜我醜我自知削髮事三有學佛
亦可補用以脫塵垢全我濁世身薦我生身毋羨君顏
色好濯濯春月柳不為時所趨甘著儒冠守即今一相
見意思兩彌厚春風吹楊花落我杯中酒願持滿滿杯
再起為君壽君其勿我辭罄此掃愁帚不聞亂軍中食
人如食狗苗獠虎已甚橫殺掠人婦自古戎旅間此事
十八九若以樂土言無出平湖右未知干戈世能免餓
莩否忍君遽云別更欲周旋久橫塘新水發舟楫不肯

後君今必欲歸為語無隱雙願施七寶林大作獅子吼

釋良琦得塘字

亂後山人兩髻蒼雲山百里久相望孤舟江水夜乘興
流水桃花春滿莊談笑便湏相抵掌清幽何所共持觴
芙蓉芳渚雙溪轉楊柳飛軒萬樹長陰拂綺筵賓正集
花吹玉掌酒偏香倉庚得友間關好翡翠窺魚取次翔
世上風塵方湏洞山中日月且徜徉朝川別業聲相似
栗里閑居志趣強君向此時真跡我慚明日過橫塘

陸仁得水字

修塘帶長堤柳色參雲起疎雨落高林淺渚生春水文
軒敞櫺檻宛在水中沚流波蕩輕華細藻跳游鯉故人

式相見離別何所似相對澹忘言坐聽流鶯語

葛元素得漫字

芳塘柳色深春水亦瀟漫翼然駕飛軒臨流敞竒觀日
夕開綺牖分明畫中看好風從東來吹香落吟案晏坐
如主人崇談載清漿觥籌酬酢餘彬彬美辭翰茲焉固
云樂世故一長嘆我亦沉晦者無心聞理亂

漁莊

漁莊

白野達兼善隸顏

顧瑛春題

興入水雲頻放艇 夢迴煙雨聽鳴榔

記

丹丘柯九思

玉山隱君顧仲瑛氏治其第之西偏稍為臺池之勝號
玉山佳處佳處之東沮洳蒸莽久且弗治君觀其有異
夷其水與草築室於上引溪流逸屋下於是縈者如
帶抱者若環瀏然而清可斟可濯悠然而長可方可舟

楓林竹樹蘭苔翡翠詩奇而獻秀者盡在几格漁歌野
唱宛然在茗雲間也今禮部白野兼善公隸書漁莊二
字以榜其顏君日與賓客觴酒賦詩游息其下世故之
予了者不芥蒂於胸中子謂君素為吳大姓青年績學
抱才負氣出為世用固可以陳力就列勤勞王家退居
田里莘穰廣廈可以樂親戚而延賓客何所取于漁哉
太公之釣渭將以大有為也下而子陵玄真天隨之流
浮游江湖果於遺世者也君將奚取焉君曰是烏知我
者吾方網罟天地經綸古今以絡以繹以悅予心大有
為也果遺世也烏知其然烏知其不然鑒書博士柯九

詩

汝陽袁華子英

公子不好獵小莊濠上居長刀載大炬清夜看叉魚

河南陸仁良貴

春船搖一葦寒留帶三星美人煙水暮相思蘭芷青

句吳李瓚子粲

春浦參差水文綠泳魚引子出其中悠悠赤尾隨萍實
圍圍金鱗識藻叢子產陂池方得所陶朱洲島樂無窮
何當置艇蒼篔下一釣煙波向雨蓬

巨廬于立彥成

二月春水生三月春波瀾東風楊柳花江上魚吹沫放

船直入水雲柳蘆荻芳芽如指長船頭濯足歌滄浪蘭
杜吹作春風香得魚歸來三尺強有酒在壺琴在林長
安市上人如蟻十丈紅塵埋馬耳漁莊之人百不理醉
歌長在漁莊底

天台陳基敬初

結得漁莊近水濱暖沙晴日更鮮新隔江楓樹愁相泥
照眼芙蓉意轉親隱見白魚穿荇細高低翠羽結巢勻
秋風稍待蓴鱸美應有扁舟訪散人

遂昌鄭元祐明德

濠上春晴花朵朵莊惠強知魚與我爭如顧循讀書倦
馭沓浪花宵鼓拖船頭列炬船窓唱繩擗如雲布水上

并刀斫雪鱸鯉飛吳娃夾坐歌喉亮莊上東風柳欲綿
鯉魚吹浪迎歸船由來名教有樂地鼓琴却

崑山郭翼義仲

山色桃花裡漁莊信少雙群鷗迴落日魚笱聚溪砒楊
柳秋開屋蒹葭雨滿江野翁歸醉晚水沒繫船橋

句吳李瓚子琴

五湖之東煙水長高人於此構漁莊開軒垂釣吟麗藻
泛舸吹笛窺扶桑金尊滿注葡萄酒醉看吳姬小垂手
榮名耳熱何足誇幾見秋風落楊柳

西夏鼎言起文

待得桃開泛釣槎春光三月到漁家風迴池上凭欄立
一對鯉魚吹浪花

三山盧昭伯庸

結屋水中沚群山在前除葭翳叢薄蘭苔蔭文魚于
焉理緡釣雅志不在魚有酒式燕茲邀哉塵慮疎何以
知我樂惠子與之俱

臨海陳基敬初

何處林塘好卜鄰清江遠屋淨無塵定巢新燕渾如客
泛渚輕鷗不避人楊柳作花香勝雪鱸魚上釣白於銀
春風無限滄浪意欲向汀洲賦采蘋

會稽楊維禎廉夫

君不見裴家之莊在子午臺池已作張家墅又不見李
家之莊在平泉花石亦入陶家園不如漁莊在崑之所
官不得奪人不得取或言投長竿躋會稽釣嚴灘隱磻
谿彼數子者逃名而名至誰能索我於東溪之東西山
之西春江冥冥春水瀰瀰桃花亂流跳魴與鯉會稽丈
人本釣徒釣竿手拂珊瑚枝浩歌小海入東去大魚鱗
鱗來媵予子知我我知魚濠梁之樂樂有餘

淮海秦約文仲

春雨漁莊上微風動綠波好停木蘭槳共聽竹枝歌
鳥衝寒怯魴魚出網多濠梁有真樂為問近如何

華亭馮濬洲如

片玉山裡碧雲閑
背郭漁莊寄柳灣
細雨長竿拂東海
桃花流水出人間
電量窟宅風潭靜
鷄犬濠洲日月閑
公子臨淵無所羨
釣簾落照看青山

四明黃玠伯成

漁莊無歲不豐年
三十六陂多似田
釣者得魚還易粟
市官有稅却輸錢
霜天斲下團臍蠟
冬日艦頭縮項鱸
想見牙籤滿書案
教兒兼讀種魚篇

勾吳周砥履道

楊柳拂柴扃
芙蓉落晚汀
鷗眠沙嘴白
山近屋頭青
樽酒何勞勸
漁歌豈厭聽
王維愛裴迪
聯句不曾停

吳郡顧達

洲迴集芳氣
流水蕩晴暉
西風橫笛坐
明月棹船歸
綠渚葭芙蓉
近人鷗鷺飛
緬懷浮家去
薄暮情依依

東郭錢抱素賦芳草渡

隔浦淑望路接花
蹊水紫蘋渚映竹
籬茅舍簷簷散滿
平楚徃來耕釣侶
占煙波佳處收
緡後鸚鵡洲邊一派
柔艣鳴芳塢
淨連舞榭繪鯉人
間窺繡戶政千樹落
霞漸老續紛墜
紅雨泛溪去宵怕
前渡漁郎重悞柳影
直貫酒人歸喚渡

分題詩序

于立芳成

至正庚寅七月十一日飲酒漁岸上時雨初過
芙蓉始著數花翡翠飛欄檻問漁童舉網得二
尺鱸於是相與樂甚主人分韻賦詩主則玉山
隱君客則琦龍門子臣廬行酒者小璠英子則
子彥成弁其首簡
是日以解釣鱸魚有幾人兮平聲韻賦詩

子立得鱸字

波光月色淨涵虛煙若清冰在玉壺水檻夜涼樓翡翠
釣竿秋靜拂珊瑚杯行玉手璠英酒餚斫金盤雪色鱸
書卷詩篇不知數為君題作輞川圖

釋良琦得魚字

楊柳葉黃秋雨疎芙蓉花亂月初觴流綠水渾如鳥
橋隔青蒲不礙魚寂寞每憐楊子宅風流長憶輞川居
少微此夜光華動恐致雲中五色書

顧瑛得人字

芙蓉始花秋水新小莊落日酒相親漁童樵青解歌舞
茶竈筆牀隨主賓龍門山人碧玉塵會稽外史白綸巾
芹羹鱸膾我所愛吟對西風懷遠人

飲歌序

河南陸仁

至正辛卯秋九月十四日玉山燕客於漁莊之
上芙蓉如城水禽交飛臨流展席備見游鯉日

既夕矣天宇微肅月色與水光蕩搖檻檻間遊
情逸思使人浩然有凌雲之想玉山伴侍姬小
瑤英調鳴箏飛觴傳令歡飲盡酣玉山口占二
絕命坐客屬賦之賦成令漁童樵青乘小榜倚
歌於蒼茫煙浦中韻度清暢音節婉麗則知三
湘五湖蕭條寂寞那得有此樂也賦得二十章
名曰漁莊歎歌云河南陸仁序

是日詩成者十人

陸仁

灣灣流水曲闌干
鷓鴣芙蓉不耐寒
玉手為開銀屈膝
舉頭却見月團圓

日暮休憑闌鴨闌
落霞飛去水漫漫
秋光多在重屏裡
東面青山是馬鞍

袁嵩

秋水芙蓉面面開
錦雲低護小蓬萊
夜深莫把珠簾下
恐有青鸞月底來

玉人花下按涼州
白雁低飛箇箇秋
彈撒驪珠三萬斛
當筵博得錦纏頭

周砥

傍水芙蓉未著霜
看花酌酒坐漁莊
花邊折得芭蕉葉
醉寫新詞一兩行
秋月團團照葉欄
水邊簾幙晚多寒
素娥不上青鸞去

借得銀箏花裡彈

秦約

公子漁莊秋氣高
灣灣野水曲塘坳
隔林月出車輪大
照見花間翡翠巢
金菊粉蕖秋水濱
恰如生色畫屏新
蕩舟直過紅橋去
小隊游魚不避人

顧瑛

返照移晴入綺牕
芙蓉楊柳滿秋江
漁童歛乃蕩舟去
驚起錦鳥飛一雙
金杯素手玉嬋娟
照見青天月子圓
錦箏彈盡鴛鴦曲
都在秋風十四絃

袁華

紅白芙蓉照畫屏
秋波如鏡映娉婷
並頭花似雙娥臉
一朵濃酣一朵醒
枸杞腥紅箇箇圓
扶疎綠葉青煙佳人錯認相思子
來向筵前耍賽拳

于立

芙蓉千樹齊臨水
橘柚滿林都是霜
飲罷玉人歸別院
只留明月照漁莊
對酒清歌窈窕娘
持杯勸客手生香
袖中藏得雙頭橘
一半青青一半黃

趙珍

繡戶芸牕八面開
漁莊酒色淨如苔
鯉魚三尺丹砂尾
聽得清歌出水來
雨後芙蓉霜後楓
漁莊只在畫橋東
不知前面花多少
暎水殘霞爛熳紅

李贄

芙蓉開徧錦雲低
夜飲漁莊月滿池
按得新詞倚紅袖
桃花便面寫烏絲

織纖新月上簾鉤
楓葉蘆花隔水秋
一曲清歌來送酒
雙鬟小妓水蘭舟

岳榆

文竿比日出清波
翠袖香醪金巨羅
涼月團團當檻白

秋花冉冉隔簾多
黃華丹樹遠漁莊
錦瑟秋風子夜長
驚起水禽栖不定
背人飛去不成行

玉山名勝集終

玉山名勝外集

紀寄贈玉山主人篇什

姚婁東往玉山因書以寄

柯九思

相逢何事且徘徊澤國桃花岸岸開見說衡陽南去路
秋溪無雁寄詩來

次李士廉韻寄玉山

張舜咨

書樓斐几石蘄然晴雪飛來太華顛墨本秘函枯樹賦
牙籤插架白雲篇清心求友先同調華髮逢人恥問年
共惜分陰珍雅玩封侯擬不到鳶肩

春日雨牕寄玉山微君

趙奕

幽窗談笑話平生三十年間幾度更白髮滿頭今已老

青山排闥故多情
桃花灼灼應無語
春雨蕭蕭尚未晴
明日扁舟好攜酒
南村笋蕨正堪烹

寄于匡山索荔枝漿就東玉山
陳基

早春相見又經秋
秋水迢迢阻汎舟
每見玉山問消息
荔枝何日寄江樓

觀玉山中牡丹有感
于立

搖搖紅霧一枝斜
看舞東風兩鬢娃
堪笑年年未歸客
借人池館賞春花

索陽莊瓜寄玉山
柯九思

穀雨初乾可自由
荷鉏原上倦還休
醉迷芳草生春夢
誰識東陵是放侯

懷玉山西墅
李瓚

西墅幽期每自知
晚來無物不宜詩
白蘋點綴秋波遠
紅樹留連落照遲
親老正當貧賤日
身輕唯荷聖明時
可能便把投竿手
來問漁莊覓釣絲

余寓玉溪適錢洞雲居士往廬山過予求詩得觀
玉山顧仲瑛辭翰不能忘情謹附二十八字以期
後會云
泮中黃文德

玄圃仙人吾未識
聞說玉山種春色
昨夜洞雲天際來
明月空齋坐相憶

玉山中即景一絕
天台陳聚

楊柳絲絲一運斜
碧溪循繞野人家
東風二月春如海

開徧一山桃花

夏日寄玉山主人

張天英

赤日行天氣欲焚樹根群蟻正紛紛道人心在義皇上
睡殺青松一枕雲

鐵心子買妾歌

楊維禎

鐵心子好吹簫似蕭史自憐乘鸞之伴今老矣笛聲忽
起藍橋津鐵心一寸柔如水明朝萼綠華還過玉山家
羞澁簧初煖韶嫩月新芽玉臺為我歌唯酒山香為我
舞中花玉山人鐵心友左芙蓉右楊柳綠華今年當十
九一笑千金呼不售肯為楊家奉箕帚為君不惜珠量
斗玉山人下鏡臺解木難輕財如土重義如丘山娶妻

遺牧犢子奪妾向沙叱蠻鐵心子結習纏苦無官家初
賜錢五雲下覆韋即牋香蘭一夜驚夢天玉山種壁三
十年

秋懷奉寄玉山主人

陳基

江上秋陰十日多思君不見奈愁何風高澤國來鴻雁
雨入汀洲落芰荷公子文章裁瑞錦佳人衣袖剪輕羅
畫船亦欲溪頭去聽唱花間緩緩歌

次郭義仲韻東玉山人

張希顏 師賢

故人一隔紅雲島相見銀屏七夕前花近小山當窅
廣溪迴踈柳覆書船參差清吹流星漢饕餮文彘散玉煙
更擬此君亭子上醉歌烏帽集群賢

題玉山人壁

栢子庭

杖錫穿雲雨濕衣我來君出兩相違
茶邊聽得仙童語
學士朝朝向晚歸

寄玉山索蘭花

張師夔寄

許我倚蘭葉有光報君墨竹節
尤蒼秋期坐我文峰下
清閨幽香道味長

玉山齋中題

楊維禎

玉山有如海上舟年來長憶玉
山游樓臺隱隱盡臨水
高橋橫臥如牽牛

春日有懷玉山主人

前人

梨花枝外雨冥冥宿酒朝來尚未醒
倚砌宜男偏婀娜

隔牕鸚鵡太丁寧紫鸞
簫管和瑤瑟金鴨香爐倚繡屏
青李來禽臨已偏定從白鵲授黃庭

寄芝雲堂主人

顧思敬

雲煖幽亭長紫芝昔年曾許鶴來期
短筇空倚清江上
滿目春愁兩鬢絲

次鐵崖蚊字韻呈玉山懷鄭廣文

楊慶源宗善

玉山草堂絕蕭爽漁父唱歌溪外聞
春風醒醉椰子酒
夜月夢落梨花雲文章獨許楊太史
謔浪時同鄭廣文
東歸常懷丈人室六月地冷無飛蚊

有懷玉山徵士

前人

近聞東觀藏書室乃在崑崙玄圃臺
群玉山頭海日出

武陵溪上漁舟來故人十載草堂別仙家九月桃花開
太白時時吹鐵笛對酌花前鸚鵡杯

寄草堂主人

前人

浣花溪上讀書亭海國光搖處士星三月東風迷錦樹
半天南斗射青萍誰騎仙鶴吹笙過自醉山花枕石聽
多有故人麟閣上帝前應說草堂靈

戲東州堂主人

陳敬德

嘉樹蕭森六月涼上有凌霄百尺長秋風莫剪青青葉
留取清陰覆草堂

和書畫舫聯句韻

天台李廷臣

樽桑旭日紅半壁草色如天青滿簾入海群雀應化蛤

逐風龍唾或生監長雲帶水連三鳥落月和星轉四檐
靈穴怪鯨潮捲尾中山老兔頽濡尖仙姬具飯青精細
庖吏儲鮮異味厭翠釜出馳行玉盃繡幃薰麝啟銀匱
吹簫公子鸞凰語擊劍將軍虎豹髯雪飄飄詩總好
葡萄灑灑酒頻添酣歌更上層樓頂萬頃波光上下黏

代簡玉山微君

釋寶月伯明

西關送別晚山青一舸秋風去窅冥未審幾時過竹院
燒香煮茗夜談經

白鶴觀題寄玉山主人

于立

我住城中五十日念子終日不相忘驛回隴首梅未發
雁過沙頭書幾行田間鷄黍酒正熟霜後園林橘半黃

後日東歸同一醉酣歌不減少年狂

同鄭九成過玉山舟中聯句

楊維禎

城角初升旭日暹船樓東向起遐瞻鰲頭直下癡雲暗

楊鷓尾徐開破浪恬野色微明金水曲鄭清江隱見玉

山尖雨收暮燕簷牙起楊風颭檣鳥帆腹添波影白翻

鷗箇箇郊燒痕青出麥纖纖戈來野鷺毛全蛻楊筍得

冰魚口尚噉解籜土萌蓮菡苦知潑醅新益蜜脾甜避

船好鳥機先識楊入座江花手自拈未必江山惟客有

知也知吏隱許吾兼桃花不隔仙源路詩就寧辭暑刻

淹楊

湖光山色樓口占

前人

天清望不及逸興晚來多新月絃初上秋華酒半醅水
光搖玉塵山色舞金鷺我愛逃名者幽栖在澗阿

代簡

李廷璧元圭

芝雲堂上西牕夜剪燭傳杯共話時寒月半窗親下榻
幽人滿座對吟詩無兒守舍馮唐老有客分金鮑叔知
回首玉山空悵望封題聊為寄相思

余嘗夜夢從彥飲成彥成曰此荔枝漿也飲之令
人壽子能為我賦之當贈三百壺余因口占一詩

覺乃夢也及會仲瑛聞彥成釀酒果名荔枝漿以
夢白之不覺大笑仲瑛曰君當書此詩吾當與子
致酒以圓所夢因莞爾書之彥成見此必更大笑

也

陳基

涼州莫漫許葡萄中山枉詫松為醪仙人自醱真一酒
洞庭春色嗟徒勞瑤漿滴盡生荔枝玉露瀉入黃金危
一盃入口壽千歲安用火棗并交梨不願青州覓從事
不願步兵為校尉但令喚鶴更呼鸞日日從君花下醉

聞夜來過春夢樓贈小芙蓉樂府恨不得從遊戲

呈二十八字代簡玉山主人

郊 韶

金鴨香銷月上遲玉人扶醉寫新詞勝游不記歸來夜

春夢樓前倚馬時

余以蜜梅微紙二束寄贈玉山辱以詩謝用韻填

廓聊復雅意

陸德厚靜遠甫 隸人

玉色疇能似硬黃酸辛敢擬出青房品題奕奕歸年少
慚愧華顛作漫郎

近會彥成聞玉山草堂落成統屋植梅數十本題

寄

陳 基

聞說草堂春信早梅花無數向南栽主人每愛憑闌看
佳客從教著屐來風靜池塘鳴翠羽雪殘庭際見蒼苔
闕居未許安仁賦天上黃金正築臺

過綽墩舟中奉寄玉山

郭 翼

綽墩樹色青如蕩蕩裡張帆曉鏡開鳥目峰高雲北下
沙湖波濶水西來菰蔣打雨鳴蓬止鷓鴣迎船舞却迴
好入桃源張渚畫被慙楊馬是仙才

九月五日宿維亭秀峰清暉軒相望玉山十里許
明日將過溪上先此奉寄
良琦

秋日滄江采白蘋扁舟一夜繫江濱政緣齊已能留客
却憶虎頭相通鄰桐樹西邊茅屋靜芙蓉淡處水亭新
明朝定醉山中酒去脫賀公頭上巾

秋夜獨坐有懷玉山徵君

郊韶

庭樹葉初落鵲飛驚早秋玉繩猶未轉星漢忽同流楊
柳離亭思芙蓉別浦愁美人隔煙渚滄海信悠悠

招飲野航亭簡謝玉山主人

姚子章

野航蕩秋水式燕娛佳賓昔人酒令圖一行當一新郎
君跨鞍馬快踏西風塵國色明皓齒天香墜舞裯祗愁

草茅詠形穢珠玉濱

奉謝玉山假僦屋

楊維禎

玉山長者有高義乞與山人僦屋金駟馬一時皆上客
青城三日有遺音西山湧海當秋後南斗流江入夜潑
更報大茅張外史興來須抱小雷琴

寄玉山人

茅貞子固

乾坤具佳氣湖海有佳山隱凡人如玉臨流水若環心
游塵物表身在畫圖間擾擾趨名者安知爾許閑

奉同鐵崖賦寄玉山

李廷玉

玉山溪路接仙源漁郎繫船老樹根望海樓臺浮市
開門湖水落清樽珠光美月寒丹室石氣酣雲煖藥園

聞說鐵仙曾此宿吹箭清夜洞庭翻

懷玉山一首書珠簾氏便面

楊維禎

五月江聲入閣寒故人西望倚闌干珠簾新卷西山雨

第一峰前獨自看

玉山以詩見招用韻奉答

前人

君泛脂江我泛婁沙棠小槩木蘭舟醉吹鐵笛珠簾底
端為風流刺史留

滄樓詩招蕭史鳳蓮艇或踏琴高魚卷盡芙蓉秋萬頃

瀛洲信有玉人居

正月八日詣草堂不遇舟中錄寄 王翼

鼓柁溪頭動曉行衣裳潤浥露華清東風移艇浪花起

幽鳥避人霜羽輕片玉峰寒松倚秀草堂春早柳含情
山人領鶴之何處惆悵歸來雨滿城

玉山同予招客泛湖舟中偶成

良琦

平湖春水綠于苔公子邀賓錦纜開碧海晴光搖桂楫
玉峰清影落金杯也知賀監風流在不似王猷雪後來
自是綺筵容野客近人鷗鷺不驚猜

蕭史趙信卿謁玉山昆季且欲登碧梧翠竹之堂

詩以道其行

郭翼

金粟池頭花嶠嶠綠陰亭下樹冥冥一曲重聞蕭史過
月明憶上鳳凰翎

寄子彥成兼柬玉山微君漫興一首前人

三月既望出北郭草堂尊俎特風流戴花一任巾幘岸
酌酒直將車轄投骹麟倚門徒自惜踈慵與世豈無謀
青春正好莫嫌晚取次習家池上游

早起口占寄玉山

張小山

蠟槐樹下夢不成抖擻白雲出帶星
泐籀切切候蟲語
循溪瀲灩新潮鳴自憐頭顱已脫髮未了業牘猶勞形
黃塵汨汨高没人何時解纓濯清冷
菖蒲潭上有神人
玉山草堂睡未醒

武陵春晚曲寄玉山

張天英

武陵春曉花冥冥漁歌蘭柁搖殘星
溪涵山氣綠如酒
幽禽啼破松煙青
天上晴聞鳳凰曲
金門飛夢人初醒

長嘯銀臺月將落空翠著衣香霧薄
忽見安期蓬海東
劍珮從風降玄鶴陽鳥噉火懸扶桑
袖卷紅雲朝帝旁
手攬龍車親天光
下眎螳國空千霜

東玉山徵君兼五老貞士

陸仁

武陵流水淥于膏源上新堤只種桃
春冰欲泮魚負藻
快雪時晴鶴在皋
悔見相如傾一座
秣湏王濬夢三刀
車箱塵滿東華路
痴絕如君隱最高

玉子岡頭雪未消
玉山池館鬱岵峽
美人詞賦宗枚乘
仙客風流似子喬
竹裡行厨通一徑
柳邊飛閣渡雙橋
澧蘭沅芷思無那
心與車旌日在搖

因吳國良過玉山草堂報賦長句奉寄

倪瓚

玉山樹色隱朝陽更著漁莊近
州堂何處唱歌聲款乃
隔雲濯足向滄浪珍羞每送青絲絡佳句多投古錦囊
幾問棹船尋好事辟疆園圃定非常

冬至日試筆奉寄玉山人

李廷璧

馳逐為家貧陽生歲又新鬚眉半將白
天地一閒人梅
萼香東閣桐陰靜北隣
玉山有佳士念我走風塵

承遺竹枝輒賦近體以寄

衛仁近

草堂只在玉山西未識風流顧愷之
鴛冷繡衾春病酒
蠟銷銀燭夜敲碁每懷鳳鳥栖梧樹
輒倚烏几唱竹枝
昨夜闌干明月上惱人簫管不勝吹

七月十五夜醉臥三賢閣夢玉山隱君會稽外史
與迂生來山中觴酒松石間樂甚予擬太白寫長
句一章及寤山月在牀林聲蕭瑟惘然若有所失
因足成夢中語以紀神交契會之意云耳

釋良琦

龍門與天通鳥道當絕壁青天挂石鏡
倒影太湖碧飛
亭壓清湍幽客時遊觀千崖古雪積
六月松風寒仙人
揮玉塵叩門避秋暑不意麋鹿群
忽識鸞凰侶脫巾長
松陰展席風滿林青苔委玉佩
白石鳴素琴淒清草樹
色照暎瓊瑤質山靈獻神異
鹿女將花入班棘促詩成
王手飛金甕巖花與澗州鮮艷
閑才情會稽足風流支

迨非謔浪因逢許詢輩氣宇稍跌宕浮生百年期綠髮
易成絲生當聖明世不樂復奚為古人皆黃土感慨心
欲折何如杯中物醉倒石上月月出山霧開天香下空
來酒罷上馬去木末清猿哀

約日坐芝秀軒所愛相厚者廬君伯融袁君子英
陸君良貴每過必談仲瑛園池亭館之盛山水
竹之美文章翰墨相與藻績者則有鐵崖仙人
廬逸士今年春敬初歸自京師即留玉山所敬初
乃僕之澗於氣類者適見近製亦烏得而不動情
也哉又聞欲過江上窈自忻喜蓋友朋契闊苟非
晤集曷能為之傾倒也謹賦詩四首以懷四君且

寓繾綣之意云時至正庚寅十一月十有八日也

淮海秦約文仲

懷楊廉夫

昔年射策龍墀日曲宴瓊林識聖顏天樂流音琪樹杪
星文動采喬雲間長楊五柞曾誇賦駟馬成都復見還
東觀老人行奏對三朝國史待重刪

懷陳敬初

青青蘭芷照春袍春雨流觴綠滿鼻秦國總傳歌駟鐵
浚郊無復賦高旄神魚衝岸江濤起威鳳巢林海日高
何似桐花花樹下玉罌鷄杓汎香醪

懷玉山人

柳塘飛閣畫橋低
菼石聽鶯淑景移
不但鄭莊偏好客
也知顧況最能詩
采鉛日出辛夷塢
洗玉春明菡萏池
多少東華冠佩者
相逢都說虎頭癡

懷于彥成

丹閣繡楹凌紫雲
琅玕芝草延清芬
寶冠正憶匡廬老
玉文曾受華陽君
笙鏞夜奏三珠樹
鸞鵠晨朝五色雲
山中仙氣渾如蓋
不緣高致遠人群

大癡仙四和子籠字韻自謂效錢仙艷體予首作
蓋未艷也再依韻用義山無題補艷體且馳寄果
育老人老人腸胃有五色繡文者也必不教癡仙
菜肚子句一笑兼柬玉山主客自當爭一籌耳

楊維禎

千枝燭樹玉青葱
綠紗人江霧空
銀甲摩絲斜雁柱
熏花撲被熱鴛籠
仙人掌重初承露
燕子腰輕欲受風
寒食惱公詩已就
華房自擣守宮紅
漏轉西壺酒轉東
金盤一筋萬錢空
群姝冷射琉璃柵
繡沓晴烘翡翠籠
仗簇銀駝沙路雨
信傳青鳥玉樓風
白櫻桃下芙蓉隊
中有雙花一蒂紅

東玉山人

璜溪呂

恒德常

玉山佳處玉人居
聞道方壺一事無
萬箇琅玕巢翡翠
千年琪樹倚珊瑚
瑤臺酒醉金莖露
珠閣香燒鶴尾爐
何日來看金粟影
月明花影倩人扶

和義仲韻東玉山

瞿智榮

莫怪清狂似謫仙，乘涼遠過玉山前。
紫簫夜動黃姑渚，翠被風生越鄂船。
雲樹亭臺全却暑，芙蓉簾幙半浮煙。
賦詩刻燭良宵飲，知是衣冠不乏賢。

近體二首寄玉山并東彥成

陳基

武陵溪水碧灣灣，窈窕幽期不可攀。
戴勝桑間飛自得，王雎洲上語相關。
歌成桃葉臨流和，采得蘋花帶月還。
見說荔枝漿已熟，不分涓滴到人間。
南州五月尚兼衣，白紵牕間未脫機。
青李來禽書不至，荔枝盧橘賦多違。
水晶簾箔圍晴畫，艾納爐薰逗夕霏。
為問成都城裡客，昌陽花發幾時歸。

昨日善長枉顧，聞執事肯以佳絹為野老作畫賦。
詩簡上

鄭元祐

顧家絹如鷄子皮，趙生畫似鮫人機。
水絲瑩滑始受采，天藻絢爛方含輝。
海波金色朝日上，溪裊翠錯春洲肥。
漁郎出港布繩網，野老問渡褰裳衣。
試問何從有此景，領在筆底縱橫揮。

立春十日試老溫筆懷郭呂兩才子并東玉山主人

楊維禎

東風入戶已十日，江上可人殊未來。
西呂小書藏鐵鑊，東郭新詩到玉臺。
向人好月垂垂滿，頽屋名花故故開。
多情多付婁江水，桃葉桃根共載回。

春日有懷二首

郭翼

二月作客楊家巷東望滄浪眼欲醒雲樓吐氣蛟屨紫
海戶送色蓬萊青也知奔走非吾事直以疎慵任性靈
別後憶君兼日夜滿江風雪況如馨
客裡青春愁不禁月頭月尾雨陰陰海棠結巢花匝匝
楊柳滿門江淺深竟日笙囊寒未解臨池盤筍晚纒斟
諸郎怕有乘舟興怪殺喧喧鵲報音

至正九年四月二十日元璞舟過江郊枉勞衰疾

承近懷多慰元璞言歸賦七言近體一通問訊遙

寄玉山主人

吳克恭 寅夫

玉山長夏草堂幽老愛從君十日留醉語支離歡不記

歸來爛熳憶相求風迴柳葉搖歌扇月出荷花映彩舟
可念江湖搔白首還將衰朽問湯休

和玉山蚊字韻

李仲虞

玉山見說多清事湖上相逢慰所聞五色石英流湛露
千年芝草卷層雲絲桐細細鶯鶯語仙袂飄飄鳳鶴文
月出酒醒吹鐵笛草堂風動響秋蚊

次玉山分題韻四首

郊 詒

頻年種豆遠幽居淡巷蕭條意不如日晏炊煙分井臼

春前草色上階除清時自分耽詩癖白晝休嫌生事疎

祇憶桃源種桃者秋江多致鯉魚書

仙館縈紆洞壑幽草堂三日為君留白鷗波浪春江夢

玄豹文章霧雨秋誰謂阮生多曠達亦知賀監景風流
才高不得題鸚鵡重擬登樓賦未休

玉山樹色倚青冥酒闌風微酒易醒移席絕憐江柳碧
鈎簾更愛竹書青白雲盡日春團蓋霧石何年夜隕星
却笑虎頭癡絕甚畫將詩句寫秋屏

海上青山積翠嵐望中雲氣似湘潭水光入夜樓陰直
月色當江樹影涵只惜鄭莊能好客亦知王衍愛清談
誰云酒債尋常有我得詩名取次慚

襟言一章道中奉懷玉山主人

陸仁

來時蘼蕪綠歸時蘼蕪黃楊柳蕭瑟鳴蛩塘帖帖高翻
雁南翔雁南翔懷故鄉夫君遠在婁之陽玉壺青絲唱

窈窕荷花落日耀相將

次韻答謝仲瑛

鄭元祐

扁舟不亂白鷗群又復移家入水雲載酒可無人問字
揮毫故有客書裙荒涼漢室銅盤淚剝落周宣石鼓文
猶借顧君能慰藉江湖冷落見番君

碧梧翠竹堂留別會稽外史

王禕子充

梧竹舍標接翠蕤秋風又到桂花枝玉山本是神仙宅
滄海空留汗漫期自昔太丘能下榻平生子固不吟詩
牧羊歸去金華裡從此令人貴夢思

律詩二首奉寄玉山徵君

鄭祐

仙人愛向桃源住曲曲雲林勝剡川秋水到門船似屋

青山當樞樹如煙常時待月溪邊立最愛梳頭竹裡眠
我有好懷清夢遠題詩送到州堂前
徵君一月不出屋客來喜值清秋時會稽錄事應當別
笠澤高僧定賦詩新月忽從溪上出清樽還向竹間移
殷勤持寄于高士切勿愁吟兩鬢絲

和九成韻寄玉山主人

文質

我愛虎頭公子賢高懷歷歷瀉長川酒樽花底分秋露
茶竈竹間生白煙日落漁莊聽雨坐風微草閣看雲眠
西涼進士曾留別應說相逢十日前
玉山之堂風日好高居共喜值清時紫簫度曲頗行酒
彩扇分題那賦詩溪樹積陰疑雨過水花流影若雲移

白頭有約漁莊上我亦歸來理釣絲

奉懷玉山主人兼柬鄭九成于匡山陸仁

馬鞍山色兩峰尖時送飛雲落畫檐金鵲焚蘭煙嫋嫋
銀鵝舞隊月纖纖語調鸚鵡花連屋影拂鷓鴣水動簾
綠想清游共于鵲定多詞賦照牙籤

律詩二首寄懷玉山

聶鏞茂宣

美人昔別動經年幾見婁江夕月圓怪底清塵成此隔
每懷詩句向誰傳桃溪日暝垂綸坐草閣秋深聽雨眠
安得百壺春釀綠尋君遂上木蘭船
虎頭公子最風流只著仙人紫綺裘築室愛臨溪側畔
鉤簾坐見水西頭常時把筆題江竹最憶看山立釣舟

却羨多才子逸士清秋不厭與君留

次韻答玉山

鄭元祐

誰似靡侯孫子賢燕賓歌舞聞清妍門前所柳占潮汛
葦裡擊音候客船海氣若浮山隱玉野光純淨月當川
人生得意須行樂莫遣閒愁到酒邊

同陳敬初移字韻懷玉山

陸仁

玉山松桂接雲垂誰擬封居比苗卮春草池頭詩總好
桃花源上棹頻移平原好客心俱醉宋玉多情夢亦癡
不接清談纔十日日憑江閣起遐思

次廉夫韻寄玉山

顧敬

玉山幽溪草堂好翠竹森森暎白沙栗里歸來陶令宅

桃花開處杜陵家風來野樹留歌鳥雨入溪流送落花
我欲問津從此去天涯何處有星槎

夜坐懷玉山匡山二君子

陳基

良夜珠未央明星一何爛懷人阻層城邈若河與漢栖
鵲驚露叢落葉依井幹據梧不成彈惻惻空浩歎

春游期過龍門不至兼懷雲臺

釋良琦

春野看山駐小車如何不到野人居澗中蓴菜空尋摘
石上松花浪掃除王謝風流真不忝已休禮法向來疎
欲憑若蕨將清意為致行厨醒醉餘

寓笠澤有懷因風奉寄

陳基

我愛玉山嘉樹林草堂終歲有餘陰兼安翡翠春雲暖

宿近芭蕉夜雨深寶篆焚香留睡鳴絲戩行墨寫來禽
花竿脩竹休教洗日日平安報好音

寓婁江寄梧竹主人

李祁

翳翳林木交蕭蕭簷宇靜於焉脫塵鞅偶坐愜所性初
忻景物佳稍覺緣想淨一與梧竹親寧忘五君詠

小言問疾兼懷匡山人

瞿智榮

東江漾漾春流濁西郭淡淡轍迹踈放浪久無狂賀老
風流獨有病相如門前看竹不題鳳溪上賞花多釣魚

芝秀軒畜雙白鷗頗馴近聞玉山園池欲得之遂
忻然籠去無難色是蓋不使太白胡公尚美於前

也因製四韻詩偕其行云

秦約

雙禽曾未換雙璧籠致草堂清絕塵李白多才今有子
胡公好事豈無人竹間飲啄池臺曉花底飛鳴鳥嶼春
更想金衣天際鶴冥冥廓與誰親

寓越溪寄玉山兼懷德輔

于立

玉山中春又回看春還又幾人來堂前梧竹性所愛
溪上桃花眼見栽顧況題詩皆好句王褒作賦最多才
何時臧棹婁江曲共聽彈琴坐石苔

以花字韻奉寄玉山

袁華

大江日落東流急百丈牽船當到家誰同文酒宴山館
也勝連臂踏堤沙美人雙歌青玉案仙娥獨駕紫雲車

閔苑瑤池兩清絕開編秋紅小樹花

有懷梧竹主人山陰道士雲臺外史兼東龍門關

士

陳基

碧梧翠竹日扶疎長夏高堂可晏居雪上故人時載酒
山陰道士近無書蒼頭掃石安棋局穉子穿花奉板輿
若見惠休煩問信碧雲詩句定何如

至正庚寅十月八日吳水西袁子英憇余寓所有

懷玉山匡山雲臺以端士為韻

釋良琦

蘭若清溪曲苔蹊宿雨乾閉門書自展扣竹客相看蓮
社容沽酒松房可挂冠風流成雅會慷慨失幽歡日落
江聲急山空玉氣寒桃源人已去柳逕菊初殘簪盃賓

朋集田收秫米寬鄭莊元好客陶令獨辭官詩意迂于
好才追短李難交游敦道義出處共盤桓昨日山行樂
連朝興未闌孫登嘯絕響靈運屐寧刊眺遠欣情豁臨
溪怯股酸石竒祥鳳舞池碧老蛟蟠曲磴與頻憇蒼崖
向欲刊披煙行聲確拂雪到巔岼岩橘黃登俎畦菘綠
在盤空迂長者輟具具腐儒餐聚合驚雲散睽離見月
團鹿鳴還自詠流水不成彈鴻雁啼荒浦鳧鷗落暮灘
冲襟聊一寫搔首睇雲端

婁上紀興奉東玉山

秦約

放船曉發婁之濱嫋嫋擘音何處聞已王廟下樹如戟
黃姑堂前花似雲河流虹影向江去日落玉氣隔林分

憑高望遠應有思自歎秋風鴻雁群

次韻梧竹主人詩奉東

黃公望

子久清
年八十三

片玉山前人最良文章體物寫謀長古來望族推吳郡
直到雲仍姓字香

花檻香來風入塵雕籠影轉月穿櫺鉤軒平野連天碧
排闥遙山隔水青

竹裡行厨長準備濁醪不用惱比鄰文章詩酒時時醉
花果園林處處春

人生無奈老來何日薄崦嵫已不多大抵華年當樂事
好懷閒處莫空過

月下有懷玉山隱君

陳基

初月照川上秋槐翳繁柯離居感流景悵望奈君何夕
露下芳草涼颼回素波歸哉玉山下日夕共婆娑

別後聞入杭賦詩以寄

前人

柳洲寺下絲竹繁蘇小墓邊風日暄天開十里水如鏡
雨過六橋花欲言畫船夜聽孤山鶴鐵笛曉驚天竺猿
歸來相遲桃源上為唱竹枝傾綠尊

姚子章人回知騎從在杭即欲渡江一見通中得
書聞已歸玉山中遂成悵然因寄

于立

聞住西湖十日還冷泉亭下水潺湲錢塘東去直到海
於越南來總是山情逐斷猿明月夜興隨孤鳥白雲間
玉山池館花無數應待幽人一破顏

古體一首有懷玉山次沈自誠韻 却 部

亭亭古崑丘上有瑤樹枝
仙人居其間服食忘神疲
朝馭義和車夕味金臺詩
我嘗與之遊中夜夢見之
御風周八極迴焉人世違
青雲忽氤氳白鶴長鳴悲
以茲嬰世網一隨東海涯
安得浮丘公挾舟候安期

西湖酌別便欲過草堂因冗未果小詩二章奉寄

稍涼當買舟相晤也

前人

片玉山中結草堂門前流水似滄浪
竹陰覆几琴書潤花氣薰窗筆硯香
四海詩名唐李杜一時文采漢班揚
近聞高士增新傳好紀淮南老更狂
五月西湖載酒游芰荷香裡雨初收
黃蜂飛近花邊坐

白鳥來依柳下舟佩服盡從唐制度
笑談不減晉風流幽期莫更歌招隱
擬趨西風桂子秋

龍門山人玉山主人以詩名著海內僕景慕久矣
敬以敝寺六詠求題品之就寫長句奉東

釋良圭

二子風流迴不群詩名海內每傳聞
苦吟杜甫行日午覓句湯休坐夜分
開籠放鶴好明月拄笏看山多白雲
寂寞滄江舊蘭若品題亦欲托高文

絕句二首奉邀玉山主人到城兼東雲臺龍門兩

作者

陳基

白馬銀鞍照地光秋風新試紫游韉
傾城冠蓋皆相過

只少山陰道士狂
真率相留味最佳
山童和蒂摘秋瓜
夜淡石鼎聯詩處
定在雲臺外史家

長句一篇留別草堂主人并東匡廬外史

周砥

玉山草堂絕清妍
畫圖書卷置兩邊
長松落子當窗前
鶴踏芝雲舞翩翩
碧梧翠竹搖秋煙
鳳凰一鳴三千年
松谿石磴相周旋
綠蘿飛花百尺懸
草堂主人真晉賢
手持麈尾談重玄
傲睨萬象心炯然
示我新詩三百篇
瀑流倒瀉挂青天
匡廬先生乃謫仙
詭浪高談驚四筵
樂府不寫金花牋
日日江頭浮酒船
愛我草聖如張顛

酣歌草堂屋西偏
醉來狂歌舞蹀躞
共入芙蓉花底眠

暮歸有感寫寄玉山

鄭元祐

嗟我生不如蟄蟲
猶知坯戶以禦冬
冥搜古今趣老態
飢驅東西無定踪
早起厭輾生塵釜
暮歸驚聞定夜鐘
百年能幾乃役役
後凋輸與東陵松
山人常年遇有秋
尚爾不免飢寒憂
左腕難臨乞米帖
中腸只憶監河侯
倉紅能飯李斯鼠
醉態且舞檀卿侯
瓶儲有粟可飽我
起踏北戶看星流

至正十一年秋七月華亭郭氏子做宋局製鸚鵡
硯弋陽山樵李纘以金購得持贈玉山且歌詩銘

云

前人

端溪文石質如玉下若涵蒼上標綠良工采材山之麓
琢磨精緻若膏沐製成鸚鵡殊不俗尾羽脩脩頭曲局
以味咏桃李盈掬姓陶者泓實其族松煤為雲內瀟蓄
辭章統緒決川瀆繫仲瑛甫誠善績

聞玉山中方編草堂續集吳興溫生挾中山毛穎
徃見因賦詩以華其行
陳基

我愛玉山賓主賢契諧金石晚彌堅評詩不數齊梁末
論字唯推晉魏前別墅新題人共賦草堂高會世爭傳
更須闢館延毛穎收拾華英續後編

遊玉山佳處寫贈仲瑛

趙奕

我愛玉山奇絕處碧梧翠竹映闌干軒窗傍水琴書靜

樓閣連空宇宙寬山色溟濛還淡淡湖光潏灩自漫漫
登臨縱目無窮處落日西風作暮寒

玉山索蟠松因登天平得二本移送玉山主人漫

賦

良琦

崑丘好鳥來雲巖口銜仙人雲錦箋開槭讀之見深意
願乞蟠松數枝翠踈雨落葉迷秋山屐齒便躡苔斑斑
龍門直上三百尺石屋逕度雲幾間東林西林何窅冥
前山後山還獨經青藜不畏虎豹跡白日要見虬龍形
華蓋峰頭最高處偃秀盤竒逢兩樹僕奴驚叫峇空谷
鸞鶴翻翔入煙霧大株倒挂蒼厓顛小株橫欹寒澗邊
乾坤疑結太初氣蛟蜃飛騰十丈淵沙土

青根下蚤看成茯苓仙人服

千歲常青

寄玉山兼柬匡廬外史

陳基

美人不見已三月日日相思賦角弓興發頗疑詩有助
憂來翻訝酒無功未須結客遊樊上却擬移家住滾東
與報匡廬于外史新醅宜壓荔枝紅

歲暮有懷玉山兼柬彥成子英

良琦

城府一會面塵埃各滿襟匆匆官寺飯草草市樓對歸

棹隨沙月飛帆拂渚禽妓妝紅照水仙侶玉為林宅近
梅花蚤溪清竹葉深佳兒候門喜好客向筵臨閣煖簾
圍繡香温鼎錯金酥杯春酒味錦瑟夜絃音賀老狂猶
在袁安瘦不禁文章會社友園墅憶君心池隔茅亭靜
山當雪洞深想聽松子落應念野僧尋世態今輕薄江
湖有陸沉卷阿誰復賦招隱且高吟時見妖氛息年催
雨雪侵新詩肯相慰把玩比瓊琳

笠澤有懷

陳基

碧梧翠竹鬱參差艾納流薰繡幕垂瑤管隔花聞度曲
畫屏燒燭看圍棋坐延太乙青藜杖倒著山公白接羅
何日扁舟還蕩槩為拚同醉習家池

將往三沙有懷玉山微君會稽外史

三沙舊稱三洲

前人

海門自與碧天通，獨馭靈槎遠向東。
一道銀潢秋浪白，三洲金刹日華紅。
龍吹花雨慙聞法，鳥語雲樞喜報風。
無奈思君重回首，依依江樹送冥鴻。

至正壬辰秋舟過馬鞍山下登疊浪軒酌龍洲先生之墓俯覽江流渺然遐思慨風土之昔殊嗟人生之契闊有懷玉山晉道賢昆仲秦約

江靜波明蕩白沙，搖搖畫舸似乘槎。
蕎麥花開散晴雪，枸杞子結爛頰霞。
三吳風土曩昔異，二陸才華耆舊誇。
塞予清嘯睨寥廓，樽頭新酒不須賒。

正月四日夜宿溪上有懷玉山

良琦

白日西沒江東注，客子舟航暮城住。
自緣舊好數經過，頗為微名蚤馳驚。
風前野碓響初夜，雨外漁燈暎深樹。
美人不歸煙水寒，渺渺何由寫心素。

律詩一首寄玉山微君以寓瞻慕之私

徐緬

翠竹碧梧池館好，玉山佳處意無窮。
朝川賓客文章盛，京雒衣冠書問通。
窗煖語聞鸚鵡，巧杯淡香泛荔枝。
紅山川風物開清思，詩句流傳字字工。

婁東述懷寄上玉山

隴右郝經

寂莫婁東寺，經過歲暮時。
後凋霜相古，亂石苔滋方。

外尊吾友龍門得老琦十年今已過
垂歲故相知震澤三江入虹橋
五色垂水西春酒發花下晚樽移
聯句旋題竹留餐更折葵那知俱是客
各以業為師蓮社招呼費茆堂出處
卑也馳支遁馬而向習家池何物識
臣朔如人舞怪遠遂全兄弟急豈但友
生疑落落情偏好悠悠事莫期參商
天上路萍梗海之涯嚮憶身猶白前
修道不緇君攀獅子座我把桂花枝
吳子非無學周

為龍津終再合豹管未容窺泥濘
雙扶屐燈明共奕棋笑言方款洽交
誼便堅持好客囊蓋澁捐人佩陸離
初筵俄列豆屢舞竟揚卮醉揖都輕
別醒吟每重思優哉聊復尔舍此欲
何之伐木鳴幽鳥緘筒寄阿誰玉山

投美璞珠水照摩尼為說饒清事徒
遊盡白眉載觀名勝集多是故人詩
自笑如張翰何煩識項斯江颿風去
逆林館雨留遲紫硯玄香潤紋窓
棊几宜翔鸞開粉紙直髮引烏絲
燕坐書成癖窮探字識竒雄文毛穎
傳小隸武梁詞韓柳文章在雲龍上
下隨兩家才並立千喙語難追小子
真狂簡前賢具點唾百金寧取直三
絕且閒癡漫與非神品居然奉令儀
異時傾孔蓋八字讀曹碑回首高飛
隼行歌倒接羅剎溪歸野興泌水樂
忘飢開閣延疏廣韋編拾散遺儒冠
傲軒冕農耒力蓄奮明月懷人遠長
林鼓瑟悲尋常要久契翻覆訝群兒
願把平生意毋求小有疵矢心同白
水披腹獻丹墀判袂寒

潮送還家夜雪吹上人逢顧凱憑謝拙言辭

苔梅一枝賦詩四韻奉寄玉山翁 良琦

折得南枝古澗傍千年風骨老冰霜珊瑚出水監花濕
鐵柱含波石髮香可獨詩情東閣准也知春夢瀟陵長
所思何許遙相慰憑仗寒英寄州堂

虞山道中有懷玉山徵君

知韶

言偃宅前湖水東千門楊柳綠搖風一蓬山色斜陽外
半夜雨聲春夢中獨客年年如旅燕行人草草似鷺鴻
芳洲杜若憑誰采心逐寒潮處處同

湖上感事漫成四絕奉寄玉山

楊維禎

湖水碧於天湖雲薄似煙鴛鴦不驚亂飛過岳墳前

湖水明於鏡湖泥濁似涇祇應菘血在染得水華青
海嶠浮西日關梁轉北風蘇卽書未返愁絕雁來紅
將石星空隨靈山鳳不飛惟餘灞頭水西去復東歸

漫興一首呈上玉山道丈

郭翼

前月海寇入郡郭病裡移家愁殺人桃花野屋苦多雨
楊柳清江無好春誰似龐公居隴畝自慚杜老在風塵
草堂夢寐驚相見把酒論詩月色新

漫興一首呈玉山社長

陸仁

萱花葵花五月繁清遊還過辟疆園艱危避賊愁仍絕
感激逢君思欲騫信有饒人如巷伯豈無佳士報平原
坐溪池閑偏幽寂更浣寒泉為餘煩

修城口號似玉山主人

秦約

春城連海巨虹霓，雉堞桓桓補甃泥。
總謂軍儲仰吳下，只憐兵燹起淮西。
千旂影逐流雲動，萬杵聲高落日低。
安得韓彭為上將，載光火業撫黔黎。

漫興一首用郭仲義韻似玉山詞長沈明遠

近知消息苦難真，一日千迴憶故人。
極目烽煙迷黑海，驚心花鳥惜青春。
清談王衍休揮塵，多事元規已汗塵。
重上高臺見君面，碧梧翠竹喜清新。

漫興一首呈玉山主人

于立

五月田家未足秧，塢邊水鶴近人長。
溪流到海無百里，潮汎乘風矢萬航。
春樹暮雲迷遠近，南山北斗自低昂。

相思相見真如夢，莫惜題詩臥草堂。

夏五月過玉山草堂見妻江諸故人漫興之作遂

繼詠

良琦

梅風發時海寇去，相見要令懷抱開。
乍喜豈論生理事，空言獨嘆濟時才。
桐花金井鶯聲過，月色涼臺鳳吹迴。
不得清吟會諸老，履痕猶在竹間苔。

至正壬辰九月十二日過玉山草堂留別山中諸

公

周砥

五陵豪英不足畏，丹徒布衣那可輕。
萬事皆今天道，偶然遇之亦成名。
我今困乏窮谷底，青雲之志何由平。
愁來飲酒一百杯，拔劍高歌淚如傾。
歌聲悲壯君試聞。

江漢茫茫氣欲吞，附鳳騎龍豈難事。屠狗膾牛何足論，諸君古鄉舊知己。會面那得無歡言，平生心事難盡道。且復痛飲花下樽，明當大醉樓船上。橫吹玉笛過吳門。

與客登望樓作錄寄玉山主人

楊維禎

蟻子雨開江上臺，江頭野老不勝哀。屢將樓閣空中落，鮪引旌旗月下來。保障許誰為尹鐸，事諧無復問文開。可憐歌舞舊城關，又是昆明幾劫灰。嫋嫋秋風起洞庭，銀州宮闕渺空青。客星石落江龍動，神馬潮來海雨腥。弱水無時通漢使，赭峰何事受秦刑。遠人新到三韓國，中土文明聚五星。

陪趙仲光顧仲瑛遊崑

袁華

林壑秋高絕點埃，畫船載酒對山開。霜明遠浦蒹葭老，木落空江鴻雁來。魏國王孫多麗藻，華陽真逸有仙才。翠微閣下經行處，重為題詩拂紫苔。

游崑山聯句詩并序

袁華

至正八年春二月十又九日崑山顧君仲瑛以書來招致予，明日即顧君所。又明日命百華舫集賓客，自予而次凡六人，朝發自界溪，出津義浦，過九里菴，轉金溪，午泊舟，駟馬橋下，換輿騎入慧聚寺，寺主僧然叟出肅客上神運殿，見石梵壁，其工出天然，成云此塢禪師開山時鬼所運也。遂登玉山，山首昂脊凹狀類馬鞍，故俗名馬鞍山。其昂立石幢與雙蘇塗相角。

者又號文筆云東見滄海晶晶然無際水與天相涵
北海樹中見孤嶼隱起蒼蒼然云此虞山也秦伯虞
仲所居故名已而大風動石聲如大波濤衣帽掀舞
愀然不可立然叟領客憇翠微軒閣呼山丁作茗供
觀嚮師虎化石山下讀唐孟郊張祐宋王安石詩於
東壁然作合掌禮云地由玉峰勝玉峰又由人而勝
自孟張王詩後絕響久矣願吾子繼焉余諾之西廡
僧應又招憇來青閣盛佳出楮墨求詩予遂書玉峰

詩云

大風動落日人立玉峰

八月廿三日芙蓉花下留南宮岳山人飲明日岳
山人過玉山南宮老矣不知復幾聚首觀花聽琴
情不能堪因賦長句并柬玉山

倪瓚

芙蓉著花已爛熳酌酒彈琴聊少停
數聲別鶴隔江渚
一醉秋天空玉瓶
況當賓客欲行邁
忍使風雨即飄零
攀條掇英空惆悵
但願花間長不醒

袁子英來承惠崑山小峰峭絕可愛
敬賦詩厠諸
閬州瓢松石之間云兼柬玉山隱君張雨

崑丘得此豐年玉
眼底都無太華蒼
隱若連環脫仙骨
重於沉水辟寒香
澗根立雪依琴薦
小孕生香潤筆林
與作先生怪石供
袖中東海若為藏

義興吳國良用梧煙製墨黑而有光談膠法又得
其傳將遊玉山輒賦詩以過其行云倪璜

生住荆溪上梧花收夕煙墨成群玉秘囊售百金傳孰
謂奚珪勝徒稱潘谷仙老松端媿汝膠法更清妍

海子橋偶得一詩奉寄玉山

王蒙

暮登海子橋西繞江門歸霜風著宮樹葉葉帶紅飛據
鞍吹短笛乘月搗征衣江南水雪裡音信寄來稀

近體一首奉寄玉山主人

僧覺照

草堂東望白雲深主人愛書如愛金下榻每因楊執戟
得句長懷支道林松花滿樹可為酒竹笋隔簾成綠陰
我欲乘閑遠相過坐對石牀彈玉琴

唐律四首奉寄玉山徵君

僧至奘

草堂風物靜朝曛春日題詩每憶君澗底松清疑過雨
山頭玉氣總成雲神鵬未展溟南翮天馬能空冀北群
會見丹陽為內史笑揮白羽樹高勳

老去高情獨放歌新亭結構近蒼波狎鷗泛渚知人意
稚子應門喜客過山色湖光春浩蕩碧梧翠竹雨婆娑
絕勝池上山公子醉著江東白鷺蓑

小徑升堂舊不斜幽居渾似杜陵家五株桃樹當春草
一帶溪流入浣花每自放船歌白苧也從漉酒脫烏紗
風流更憶瀛洲客應獻安期素似瓜

春到江南野水濱純情幽事總相親風飄玉雪楊花落

雨濕琅玕竹樹新
洗硯時時臨晉帖
賦詩往往似唐人
向來為識江村路
此日過從莫厭頻

玉山名勝外集終

